

Mensahe 5

**Yuta sa Punoan sa Mga Paras**

Basahong Kasulatan: Fil. 2:17; Gen. 35:14; 2 Tim. 4:6

- I. Naghulagway ang punoan sa paras ni Cristo nga nagsakripisyo, ni Cristo nga nisakripisyo sa tanang pagkamao Niya, ug tungod sa Iyang pagsakripisyo nakapalugwa Siyag bag-ong bino nga molipay sa Dios ug tawo—Deut. 8:8; Huk. 9:13; Sal. 104:15a:**
  - A. Tigpalugwag bino si Cristo, nga nisakripisyo sa Iyang kaugalingon aron makapalugwag bino nga molipay sa Dios ug sa uban.
  - B. Isip punoan sa paras, nagpalugwa si Cristo og kalipay alang sa Dios ug kalipay sab alang sa uban.
- II. Kon mokontak ta ni Cristo nga gihulagwayan sa punoan sa paras ug mosinati sa Iyang kinabuhi nga nagsakripisyo, palagsikon ta Niya nga magkinabuhi sa kinabuhing nagsakripisyo, nga magpalugwag bino nga molipay sa uban ug sa Dios—Rom. 12:1; Efe. 5:2; 2 Cor. 1:24:**
  - A. Sa pagkamagbubuot sa Ginoo, maanaa tingali ta sa mga sitwasyon nga kinahanglan natong isakripisyo ang atong kaugalingon aron malipay ang uban—Rom. 12:1; Efe. 5:2:
    1. Kon mokontak ta sa Ginoo taliwala nianang sitwasyona, masinati nato Siya ingog paras nga nagpalugwa-og-bino, nga molipay sa Dios ug sa uban—Fil. 3:1a.
    2. Ang lugwa sa pagsinati nato ni Cristo nga punoan sa paras mao nga diha Niya, pinaagi Niya, uban Niya ug tungod Niya mahimo tang punoan sa paras nga mopalugwag makapalipay sa Dios ug tawo.
  - B. Kon masinati nato si Cristo ning aspetoha sa Iyang pagkamalangkobon-sa-tanan, daghan gyod tag bino nga mainom, ug “mahubog” ug “mabuang” ta ni Cristo, mapuno sa kalipay diha sa Ginoo—Juan 15:11; Buh. 5:41; 13:52; Fil. 3:1a; 4:4.
  - C. Sa atong kaugalingon dili ta makakinabuhi sa kinabuhing mosakripisyo, kay natural, hakog nga kinabuhi ang atong kinabuhi—Job 2:4; Mat. 16:25:
    1. Ang kinabuhi ra ni Cristo ang kinabuhing mosakripisyo.
    2. Si Cristo nga Corderong nagsakripisyo nagpuyo sa sulod nato, nagpalagsik nato aron mosakripisyo sa atong kaugalingon alang sa uban ug molipay nila—2 Cor. 4:12; Efe. 5:2.
    3. Kon mokontak ta sa Ginoo ug mosinati sa Iyang kinabuhi nga nagsakripisyo, palagsikon ug lig-onon ta Niya nga mosakripisyo alang sa Dios ug sa uban—Juan 1:29; 20:22; 1 Cor. 15:45b; 6:17; Fil. 4:13; Rom. 12:1; Efe. 5:2:
      - a. Labi natong masinati si Cristo nga punoan sa paras ug ang Iyang kinabuhi nga nagsakripisyo, labi tang malagsik nga mosakripisyo sa atong kaugalingon aron malipay ang Dios ug ang uban.

MGA TALAMDAN SA PAGBANSAY

Mensahe 5 (sumpay)

- b. “Mahubog” ta sa kalipay, makaamgo nga ang labing malipayong tawo, tawo man nga dili gyod hakog.
- c. Makapalipay ta sa mga mokontak nato, ug makapalipay sab ta sa Dios—2 Cor. 1:24; 5:13a.

**III. Sa pagsinati nato ni Cristo isip paras nga nagpalugwa-og-bino ug sa pagpapuno Kaniya nga bag-ong bino, mahimo tang halad nga ilimnon diha Niya ug uban Niya—Gen. 35:14; Exo. 29:40-41; Fil. 2:17; 2 Tim. 4:6:**

- A. Naghulagway ang halad nga ilimnon ni Cristo nga gibubo isip tinuod nga bino atubangan sa Dios aron matagbaw Siya—Exo. 29:40-41:
  - 1. Idugang ang halad nga ilimnon sa sukaranong mga halad, ug gibubo kini diha sa usa sa sukaranong mga halad—Num. 15:1-10; 28:7-10.
  - 2. Igtagbaw sa Dios ang bino sa halad nga ilimnon; gibubo kini aron mainom Niya—Exo. 29:40-41:
    - a. Gibubo ni Cristo ang pagkamao Niya ngadto sa Dios—Isa. 53:12.
    - b. Si Cristo ang langitnon, espirituhanong bino nga gibubo ngadto sa Dios aron malipay Siya; gibubo Niya ang Iyang kaugalingon ingog bino aron malipay ang Dios.
- B. Dili si Cristo mismo ray gihulagwayan sa halad nga ilimnon, kondili ni Cristo sab nga nagpasurop sa Iyang Kaugalingon kanato isip langitnong bino hangtod mausa Siya ug kita ug ibubo aron makapahimulos ug matagbaw ang Dios ug alang sa pagtukod sa Dios—Mat. 9:17; Fil. 2:17; 2 Tim. 4:6:
  - 1. Hulagway ni Cristo nga langitnong bino nga napahimuslan sa maghahalad ang halad nga ilimnon, nagpuno niya ug naghimo niyang bino alang sa Dios—Fil. 2:17:
    - a. Sa pagsinati nato ni Cristo nga mga halad, mahimo tang mga tawo nga napuno ug nasuropan ni Cristo—Efe. 3:17; Gal. 4:19.
    - b. Nahimong bino sa sulod nato ang Cristo nga subjectibong nasinati nato ingog mga halad, nga hilabihang nakapalipay nato—Mat. 9:17; 2 Cor. 5:13a.
    - c. Sa kapulihay, nasuropan ta ni Cristo nga langitnong bino ug nausa sa bino ug nahimo man nganing bino; sa ingon niini takos ta nga mahimong halad nga ilimnon—Mat. 9:17; 2 Cor. 5:13a; Efe. 5:2; Fil. 2:17.
  - 2. Gibuboan ni Jacob og halad nga ilimnon ang haligi sa Bethel, nga nagpakita nga alang sa pagtukod sa Dios ang halad nga ilimnon—Gen. 35:14:
    - a. Ang binong gibubo sa Bethel dili bino nga naggikan mismo sa pug-anan sa ubas; bino kini nga naggikan sa mga nagpahimulos ni Cristo nga bino ug nasuropan ni Cristo nga bino.
    - b. Sa Bethel, sa balay sa Dios, ang iglesia nga Lawas ni Cristo, ibubo gyod ta ingog halad nga ilimnon—2 Cor. 12:15.

## YUTA SA PUNOAN SA MGA PARAS

### Mensahe 5 (sumpay)

#### **IV. Nahimong halad nga ilimnon si apostol Pablo nga gibubo nganha sa halad ug pag-alagad sa pagtuo sa mga balaan—Fil. 2:17; 2 Tim. 4:6:**

- A. Ang bino sa halad nga ilimnon sa Filipos 2:17 ug 2 Timoteo 4:6 mao si Cristo (bino) sa Mateo 9:17 nga nagsurop ni Pablo ug naghimo niyang bino.
- B. Nahimong halad nga ilimnon si Pablo alang sa iglesia; nagpakita kini nga dili lang alang sa pagsimba sa Dios ang halad nga ilimnon, alang gyod hinuon kini sa pagtukod sa Dios.
- C. Basi sa prinsipyo nga nagkinahanglag sukaranong halad ang halad nga ilimnon, giisip ni Pablo ang halad ug pag-alagad sa pagtuo sa mga magtutuo nga sukaranong halad nga niini ikabubo niya ang iyang kaugalingon ingog halad nga ilimnon—Fil. 2:17:
  1. Naglakip ang pagtuo dinhi sa tanang nadawat ug napahimuslan sa mga magtutuo ni Cristo; sa kapulihay naglakip kini sa pagkamao mismo sa mga magtutuo.
  2. Ang sukaranong halad nga ikabubo ni Pablo ang iyang kaugalingon ingog halad nga ilimnon mao ang pagtuo sa mga magtutuo sa Filipos:
    - a. Ang pagtuo kini sa mga magtutuo, dili ang mga magtutuo mismo, ang halad.
    - b. Usa ra ang pagtuo, pulong, ug Espiritu—Rom. 10:17; 8:9.
  3. Ang pagtuo sa Filipos 2:17 maoy sumada sa atong pagsinati, pagpahimulos, ug pagpakabaton ni Cristo:
    - a. Nahimong tam-is nga halad ang pagsinati, pagpahimulos ug pagpakabaton nato ni Cristo nga gihalad ngadto sa Dios.
    - b. Pinaagi sa pagpahimulos kang Cristo, masinati, mabatonan, ug mapanag-iyang nato si Cristo, ug maumolan Niya ang atong pagkatawo; sa ingon niini mahimong halad ang atong pagtuo, nga ikahalad ngadto sa Dios ug ikabubo ang halad nga ilimnon.